

مسئله اشراقیه

۱۳۲۶

دین، فلسفه، ادبیات، حقوق و علوم دین باحث هفته لقا رساله در

در سعادتده یکی پوسته خانه فارشوسنده
داووه مخصوصه در

مسئله نزه موافق آثار جدیده مع المنونیه قبول اولور
درج ایلیطین آثار اعاده اولماز

مخاطار:

مؤسسلسری: ابوالعلا زین العابدین - ح. اشرف ادیب

در سعادتده نسخه سی ۵۰ پاره در

تاریخ تأسیسی:

قیریلنه دن مقوا بورو ایله کوندریلیرسه سنوی
۲۰ غروش فضله آلتیر.

۱۱ نوموز ۳۲۴

سنه لکی الی ایلی

۳۵ ۶۵

در سعادتده

۵۰ ۹۰

ولایاتده

۵۵ ۱۰۰ غروشدره

ممالک اجنبیهده

در سعادتده پوسته ایله کوندریلیرسه ولایات بدلی اخذ اولنور.

عدد: ۲

۲۲۶ شعبان ۷ پنجشنبه ۲۱ اغستوس ۳۲۴

رنجی سنه

دلائل مشورت

« ۱ » کتاب :

بر یوزنده انسانلری خلق ایده جکم دیه ملائکه یه واقع اولان
خطاب عزتک حکمتی مشاوره در.

« آنلر ایله مشاوره ایت » مفهومنده بولنان آیت جلیله دخی
مصالح مهمده مشروعیت شورایه دلیلدر .

« امرلری بینلرنده شورادر » معناسنده کی آیت جلیله ده استشاره
ایدنلر مدح بیورلمش اولمغله عکسی بولنان افراد واستبدادک عندالشرع
مکروه اولدینی نمایان اولور .

قاضي بیضاویده « انما هی امور اعتیادیة یعلم من جربها » دنیلهرک
امور دنیویده مشورتسز حرکتک خلاف شرع وسنت ایدوکی کوسترلمشدر .

« ۲ » سنت :

« استرشدوا العاقل ترشدوا فلا تعصوه فتندموا » « انم اعلم بامر
دنیا کم » حدیث شریفلری روایت ایدلمش اولدینی کی رسول عدالت
قرین « اشیروا علی » بیورمشلردر . (سنت قولیه)

اصحاب کرامله مذاکره و مشاوره ایشلدر . (سنت فعلیه)

« ۳ » اجاع امت :

خلفاء راشدین حضراتی مصالح جهورده دائماً مشاوره ایدرک
حاصل اوله جق قراره کوره حرکت ایدرلردی .

حضرت عمر کندیسندن صکره خلیفه انتخابی شورایه تودیع
ومجلس مشورتی دخی تعیین ایشیدی .

صدر اسلامده اصول اداره حکومت غایت ساده واصحاب کرامک
حائز اولدقلری فضائل سببیلله معاملات ناس هر درلو مظالم وسیناتندن
آزاده اولمغله برابر حرب ، تقسیم غنایم وانتخاب مأمورین کی احوالده
اکثریا مسجد شریفده بالاجتماع مذاکره و مشاوره ایدرلردی .

حضرت فاروق عبدالرحمن وعلی و عثمان وطلحه کی کبار مهاجرین
واصحاب ایله بر مسئلهده استشاره ایشیدی . بینلرنده اختلاف آرا واقع
اولدیننده حضرت عمر رأی اکثریتی بالقبول اولوجهله عمل ایشیدی .

ینه مشارالیه بشی اوسدن ، بشی حزر جدن اولمق اوزره اون
نفر انصاری جمع ایدهرک بر خطبه بلیغه ایراد ایتدکن صکره حکومت
مأموریتلرینه بعض ذواتک انتخابنده استشاره ووبردکلری قرار دأر .
سنده حرکت ایلدی .

بدایع صنایعهده « ندب الله رسوله الی المشاورة مع انفتاح باب الوحي
فغیره اولی » دیه ذکر ایدلمشدر .

ابی هریره شویله دیشدر : مارایت احدا بعد رسول الله اکثر
مشاوره لاصحابه :

الهیة جاری اولش ، یاخود الله تعالی صوده قوه فاعله وارضده قوه
قابله ابداع وایجاد ایدوب بوایکسنگ اجتماع وتفاعلندن صنوف ثمرات
ومخصولات تولد ایشلدر . باری تعالی وتقدس حضرتلری اسباب
وموادک کندیلرینی نصل بلاواسطه ابداع بیورمشسه اشیانک کافه سنی ده
اسباب ومواد بولنقسزین ایجاده قادردر ، فقط اشیانی بر حالدن دیگر
برحاله تدریج وبر مرتبه دن دیگر بر مرتبه یه نقل ایله انشاء وایجاد
بیورمشنده عظمت وقدرت الهیة سنه اولی الابصارک عطف نگاه عبرت
وعرفان ایللرینی هر دم تجدید ایدر صنع وحکمی وارددر . اشیا ترتیب
وتدریج بولنقسزین دفعة انشاء ایدلمش اولایدی بدائع حکمت دمام
تجلی ایتماش اولوردی .


بولندن صکره ده سمانن نزول باران خصوصنه نقل کلام ایله بعض
مفسرین دیورلر که سما ایله مراد سحابدر ، زیرا سقف وامشالی کی
سندن یوکسک نه قدر شی وارسه هپسی (سماء) اولدینندن
سحابه ده (سماء) اطلاق اولنور . یاخود اجزاء رطبه نک یعنی
انجیره نک اعماق ارضدن جو هوایه یوکسلهرک ابر باران فشان اولسی
جریان عاده الله اوزره هوا وحرارت شمس کی اسباب سماویه ایله
حصول بولدینندن بو علاقه وملاسه ایله (سمانن صو انزال ایلدی)
بیورلمشدر . شو حالده ، امطار یردن قلوب هوانک طبقه بارده سنه
تصاعد ایدن انجیره دن تولد ایلدیکی حالده آیت کریمه بوکا مخالف
هوشیور دیه سؤال وارد اولماز .

« وَأَنْزَلْنَا مِنَ الْمُعْصِرَاتِ مَاءً مُّجْجَاً
لِيُخْرِجَ بِهِ حَبًّا وَنَبَاتًا وَجَبَاتِ الْفَأَا »

سوره انبیاده « وَهُوَ الَّذِي خَلَقَ اللَّيْلَ وَالنَّهَارَ وَالشَّمْسَ وَالْقَمَرَ
كُلٌّ فِي فَلَكٍ يَسْبَحُونَ » نظم جلیلنک تفسیرنده فخرالدین رازی
حضرتلری کلام عربده هر دوران ایدن شینه « فلک » دینلدیکی وجبی
« افلاک » اولدینی سوبلدکن صکره « ماهیت فلکده اختلاف
اولنهرق بعضلری فلک بر جسم اولیوب نجومک مدار وحرکتندن
عبارتدر دینلر که ضحاک قوی بودر . اکثر ناس ایسه افلاک
نجومک کندیسی اوزرینه دوران ایتدیکی اجسامدر دینلر که ظاهر
قرآنه دها قریبدر « دیه ماهیات افلاکه دأر اقوالی اوراده دها
بعض تفصیلات ایله بیان ایشدر .

محکمه تمیز اعضاسندن

اسماعیل هفتی



« انسانیت ، فکر دینی ، مدنیت »

انسانلر بالطبع مدنیدر . انسانلرک طبیعده مدنیت حسی واردر ؛ بر جمعیت تشکیل ایدرک تعاون و تناصر ایله امرار حیات هر انسانده بر حس فطریدر . تاریخ ، ماضی به طوغرو نه قدر اوزانورسه اوزانسون مطلقا بر مدنیت ، بر جمعیت بشریه به تصادف ایدر . انسانلرک پک اسکی زمانلرده کندیورینه کوره بر جمعیتلری واردی . شوقدر وارکه مدنیت ، افراد جمعیتک حائز اولدقلری علم و معرفت و تربیه فکریه لرله متناسب بولنیور . بناء علیه پک اسکی زمانلرده کلوب چکن انسانلرک تربیه فکریه لریده کندیورلی کبی حال ابتدائیده بولندیغندن جمعیت ومدنیترلی ده شیمیکی مدنیه قیاس اولماز درجهده بسیط برحاله ایدی . اوت ، ایلروده بر کون کله چک ، که اشته شمیدی بزم درجه قصواسنه واصل اولدی ظن ایتدیگمز مدنیت ، عادتا وحشت اولوب قاله جقدر . اخلاف بزده وحشی نظریله باقه جقدر ...

آ کلاشیلورکه مدنیت انسانیت ایله توأمدر . فقط انسانلرک تربیه فکریه لرله متناسبدر . بناء علیه برابر ترقی ایدرلر ، برابر تدنی ایدرلر . هر برشی قانون تکمله تابعدر . شرائطی جمع ایتدیگی صورتده ترقی ایدر ، تکمله طوغرو خطوه انداز اولور .

تربیه فکریه ده طبیعی برشیدر ؛ قانون تکمله تابع اولماسی البت ضروریدر . فقط تربیه فکریه نك قانون مذکور تحتته دخول ایدیبیلیسی ایچون بیوک بر شرط واردر . اوده تعاون و تناصرو عدالت اوزرینه مؤسس بر جمعیت بشریه نك وجود ودوامی در . اوت ، بو ، شهسز شرطدر « بارقه حقیقت تصادم افکار ایله میدانه چیقار » دیورلر ؛ ایشه بو کلام حکمت مال بومدعانک ثبوتنه شهادت ایدیور . اکلاشیلورکه تربیه فکریه نك موجودیتی و ترقیسی جمعیت بشریه وهیئت اجتماعی نك پایدار اولماسنه توقف ایدیور . .

شیمی جمعیت بشریه نك حالی بر آزدقیق ایده لم . هلو مدرکه جمعیت بشریه نك دوامی ، پایدار اولماسی ، حقوق اجتماعی نك تحت محافظه بولماسنه منوطدر . حقوق اجتماعی نك تحت محافظه ده اولماسی ده جمعیه منسوب هر بر فردک کندیو حقیقی مطلقا تحت امنیتده بولندرمقله برابر وطنداشلیرینه قارشو اوزرینه لازم کلن بتون وظایفی تامیله ایفا ایتمکله اوله ییلور .

دیغک جمعیتک دوام و بقایسی ایچون ایکی شرط وار ؛ بری : هر شخصک کندیو حصه سنه اصابت ایدن « حق » ، دیگرکی وطنداشلیرینه قارشو ، دیون اولدیغی « وظیفه » در .

اشبو حق ایله وظیفه آراسنده اولان نسبی تدقیق ایتدیگمزرده هر بر حقک قارشوسنده بروظیفه ، هر بروظیفه نك قارشوسنده برحق

امیرالمؤمنین علی مشورتده یدی خصال حیده واردر :

- ۱ استنباط صواب
- ۲ اکتساب رأی
- ۳ خطادن تحصن
- ۴ ملامتدن تحرز
- ۵ ندامتدن نجات
- ۶ الفت قلوب
- ۷ اتباع اثر بویورمشدر .

لقمان اوغلنه (اجعل عقل غیرکلك) دیمشدر .
الحاصل اسلامیتده استبداد مقذوح واستشاره ایله اداره امور حکومت مقذوحدر .

« ۴ » دلیل عقلی :

انسانلر عقل ، فهم ، ادراک وقابلیت جهتلریله متفاوت یرادلش اولدقلرندن یکدیگره محتاج بولمشلردر .

بو احتیاج سببیه بیدلرنده تعاون و تناصر حصوله کلوب غنی فقیرک علنه و فقیر غنینک پاره سنه و جاهل عالمک علمه و مریض طبیبک دواسنه و ایتم و مجانین کبی قاعربن عقلا نك جایسنه و علی العموم اهالی امور مدین و دنیا ده ریاست عامه صاحبی بر حکمداره عرض افتقار ایدر .

ولایت عظمی و ریاست عامه پادشاهه عائد اولمغله برابر قطعات وسیع و نفوس کثیره یی محتوی بولنان عظیم بر مملکتی دائرة عدل و حقانیت اوزره اداره ایتک اطراف واکنانده کی مأمورلری تحت مراقبه و ترصدده بولندیرمق و سع بشرک خارجنده در . حکومت مأمورلری بالعموم اجرا آتندن مسئول و تبعه وزیر دستان لحققلرنده خیر و انضی تحریری به مجبور و تصرفلری مصلحت و منفعتک وجودینه متوقفدر . بونجه حادثات و مسائل مهمده مصلحت و خیری ادا رکه واحدک موفق اولماسی ممکن دکدر .

مسائل عبادده و تدبیر بلادده دائما حقانیت اوزره حرکت ایتمکه اجبار ایله ، چک بر قوت موجود اولمادقچه هر حال وکارده طریق مستقیم و سبیل صواب اختیار ایدیله چکنه اصلا اعتماد ایدیله من .

ممالک هر طرفندن کلان مبعوثلر معموریتنه ، معارفه ، صنایع ، زراعت و مأمورلرک ظلم و استبداد یا عدل و دادلرینه دائر مطالعاتی سرستانه بیان و ممالک و عباد ایچون منافع عظیمه یی تأمین ایلیه چکلردر . مشاورک استشاریه دکری اولماسی و بیان ایتدیگی رأی و مطامه نك فائده بخش عامه بولنسی لایه اولدیغی مسلمانین اولمغله مبعوث انتخاب ایله چک اولان اهالی نك دکری ذاتلری انتخاب ایتلری اهم اموردن بولدیغی کبی اعیان اعضا غنه دو نتیجه انتخاب ایدیله چک ذواتک دخی امنیت عامه یی قزائش و استبداد وارنکاب و ژورنالچلیک کبی افعال ردیته ایله لکه لشمایش علم و تجربه و قریحه سببیه کندیوسندن استفاده محقق بولنش ذراتدن اولماسی شرطدر .

محکمه تمیز اعضا نك

علی صبر امین